

醫

學

綱

目

醫學綱目卷之二十

心小腸部

丹燥瘰癧 丹毒風丹 瘰癧 疥 疥 疥 紫

白癬風白禿 面瘡 癩頭瘡 口瘡唇瘡 牙

疳瘡 耳內瘡 腎臟風陰瘡 下疳瘡 婦人

陰瘡 膝瘡 脚氣瘡足跟瘡 凍瘡 手足皸

裂 脚縫爛 反花瘡 惡瘡 雜瘡 脫 痣

八法微

發斑屬風熱 風熱挾痰而作自裏而發於外通聖散

中消息當以微汗散之下之非理

防風通聖散方見類編門

羅時毒疔瘡漏蘆散治臟腑積熱發為腫毒時疫疔瘡頭

面洪腫咽嗌堵塞水藥不下一切危惡疫癘

漏蘆 升麻 大黃 黃芩

各一兩

藍葉 玄參

各二兩

右為粗末每服二錢水煎腫熱甚加芒硝二錢半

消毒丸治時毒疔瘡惡症

大黃

牡蠣燒

白姜炒

各一兩

右爲細末煉蜜丸彈子大新水化下一丸無時內加桔梗黍粘子湯尤妙

治丹發疼痛扁竹汁服一升二合立瘥若未瘥再服効

虛者橫
之降之

內臺秘要○
扁竹卽扁蓄

內傷斑者胃氣極虛一身之火游行於外

所致宜補以降之

嘗治一中年男子癰潰後發熱乾嘔背發丹標用諸般敷貼丹標藥及用刀於箇箇丹頭出血丹皆不退後以半陳生姜加補劑治嘔不効遂純用參半兩歸木各錢半濃煎一貼嘔止二三貼丹漸緩熱漸減約五十餘貼熱始除神氣始復

運氣丹標皆屬火經云少陽司天客勝則丹疹外發及爲

丹標是也

解方

治諸腫丹毒伏龍肝不拘多少為末用雞子白和傅之日三次甚妙

治一切丹毒金花散

麝香

黃芩

甘草

山梔

大黃

黃連

糯米

右七味等分生為末用蜜和水調服

治烟火丹發從背起或兩脇及兩足赤如火景天草真

珠末一兩搗和如泥塗之又方治螢火丹從頭起慎火草

搗和苦酒塗之

丹毒監澱傳熱即易

子母

丹者惡毒之瘡五色無常苧根三斤水三斗煮浴每日

塗之

世治赤丹用黃瓜種中穰水去子以器貯之用時以水塗患處 又方用臘雪貯器中久化為水以水塗赤游妙

諸丹毒腫蚯蚓矢水和傅之

聖惠方
外臺同

療丹癰疹方酪和鹽煮以摩之手下消

治赤游風腫蕎麥苦酒調傅

兵部
手集

治熱赤游丹毒括蕒末二大兩醃醋調塗之

凡丹走皮中浸淫名火丹本方取躋躋傅之

先刺破
傅之良

針灸

丹者惡毒之瘡五色無常治之煮栗皮有刺者洗之佳

治金絲瘡一云紅絲瘡其狀如線或如繩巨細不一經

謂丹毒是也但比烟毒不甚廣濶人患此頭上有之下行至心則死下有之上行者亦然可於瘡頭截經刺之出血後嚼萍草根塗之自安

診

丹毒自腹内生四肢者則易愈自四肢入腹者則難

治

人有病面上忽見紅點者多死

丹毒風丹 痛者為丹毒
癢者為風丹

賈宅小娘風痒黃精丸四十粒與

白朮 分七 枳實 妙 黃芩 四錢

右分八貼下之食前

遍身風痒癢疹凌霄花細末酒下一錢立止

鮑允中年五十歲風丹痒甚腹微疼咽不利面身微腫五

六日不退兩寸脉滑大實右浮大左浮弦小以炒芩炒連

歸芍芍地枯草黍粘紫葢各一錢防風黃芪各半錢凡五

六貼而安

河間神佑丸 治風丹愈而復發或隔一月發或隔半年
一年發者神佑丸下之百發百中方見水

愈而復發
移為積
冷服

秘方

丹 一人患風丹遍身痒因酒得者

浮萍二錢

防風

黃芪

羌活三錢

當歸二錢

乾葛

麻黃一錢

生甘草半錢

世 治冷丹風

防風

甘草

白姜蚕

蟬腹

川芎

白芷

茯苓

荊芥

陳皮

厚朴

蒼耳子

人參

右為末豆淋酒調二錢

世 丹痒者用韭葉抄些鹽與香油以手摩熱於丹上搯之

立愈兒出

治風丹川山甲洗去腥於瓦上炒過存性每

一兩入甘草三錢為末米飲調服 治血風疙瘡瘡痂瘡

浮萍取自然汁豆淋酒下四物浸酒下亦得

丹 用羊蹄菜根於生鐵上以好醋磨旋刮取塗患處未

瘰更入硫黃少許磨塗之

聖惠方

瘰

瘰小瘰世謂之熱瘰是也王註云大如酸棗或如豈色赤而內有膿血也

風濕

汗出見濕乃生瘰癧為瘡癰也

勞汗當風寒薄為皰瘰乃瘰 瘰色赤膜內有膿血

旋覆花丸

旋覆花

三兩

防風

白芷

甘菊

南星

半夏

石膏

川芎

陳皮

白附子

各半兩

蜀椒

姜蚕

炒各三錢

右細末姜糊丸桐子大姜湯下三五十丸食後

疹

疹似傷寒暴發暴消世訛為瘡子者是也疥似疹而延歲

月或乾濕痒痛不一經所謂癢疹是也癰亦延歲月乾而不濕痒而不痛是也

癰

癰疹屬熱與痰在肺清肺火降痰或解散出汗亦有可下者 疹在表者消毒飲子防風通聖散在裏者大柴胡湯四順飲子虛者補中益氣湯皆同傷寒施治也

聖治風癰入腹身軀強舌乾燥用蔓菁子三兩爲末每服溫酒下一錢七

運氣疹者有二

運氣

一曰熱經云火鬱之發民病瘍瘍又云歲木不及燥乃大行復則炎暑流火瘡瘍癰疹又云少陰之復民病瘍疹是也

二曰風經云歲水不及濕乃大行復則大風暴發肌肉疹發是也

疥

表

防風通聖散治風熱瘡疥久不愈方見

朱院君三十餘久患癰疹身痺而紫色可與防風通聖

散加牛旁子為極細末每二錢水盞半入姜汁令辣煎食

前熱飲之

麻黃飲治上躰生瘡或痒或痛黃水浸淫結痂推起延蔓

於三陽之分根窠小帶紅腫此是濕熱症

麻黃半兩片 防風半兩 羌活 石膏六錢

黃芩四錢 滑石兩一 陳皮 紫萍各七錢半

黍粘子七錢半 縮砂二錢半 蒼耳草三錢半 蒼朮兩半

生甘草三錢半 薄荷葉一錢半 荊芥二錢半

右咬咀每六錢重水一鍾半猛火煎取六分入好酒四

五滴去查熱服須得通身有汗其瘡自安甚者服至百

服之後看汗出到何處若自上而下出過脚腫厥其瘡

自愈

蜀消毒散

丹溪云消毒散散氣表藥也

防風兩

甘草兩

荊芥穗兩

黍粘子兩

右爲粗末每服三錢水一盞煎至七分去查食後溫服

初虞世

治皮膚風熱遍身生癰疹牛旁子浮萍等分以薄

荷湯調下二錢日二服

扶血虛

何小官生瘡小便黃用通聖散一錢半煎下黃精丸

楊三哥女生瘡午後發熱日間惡寒形削食少

白朮錢二

連翹錢一

煎下黃精丸三十粒

雜方

垣每風瘡大風病相似好桑葉洗蒸一宿日乾末湯下二

錢七

經驗方

聖治風遍身癰疹疼痛成瘡用白姜蚕少許焙黃細研爲

末酒服立瘥

穎川韓吉卿自髀至足生濕癩大者如錢小者如芫
痒則搔破水到則浸淫狀類虫行袴襪愈而復生癩痕成
四十餘年不瘥戴人哂之曰此濕癩瘡也由水濕而得故
多在足下以舟車濬川大下十餘行一去如掃

瘡疹入腹亦能殺人用蚕沙濃煎湯洗之

有人病遍身風熱細疹痒痛不可任連腦脰膺腹及近
隱處皆然涎痰亦多夜不得睡以苦參末一兩皂角二兩
水一升揉濾取汁銀石器熬成膏和苦參爲丸如桐子大
食後溫水服二十九次日便愈

雜方
有樵夫來買苦參欲治疥不識藥性緩急但聞人言
可治濃煎一碗服之須臾大吐涎一盆三二日疥作痂矣
一上散治諸般疥瘡或痛或痒或喜湯火烘洗者

蛇床子

一兩

雄黃

一兩

硫黃

二兩

白礬

半

黃連

半

黑狗脊

一兩

寒水石

一兩

班毛

十四

去

吳茱萸

三錢

白膠香

一兩

銅銚

漆

通

研

右爲細末香油調傅治疥瘡先用蒼耳草或羊不食草
簾煎濃湯洗去瘡痂然後用煎藥傅可一次愈

小兒面瘡通面爛無全膚膿水流滿百藥不効者陳年臘
猪油不入鹽者傅之神効

又諸般疥瘡加減法

腫多

加白芷

開鬱

痛多

加白芷

方解石

痒多加枯礬

陰囊瘡

加茱萸

濕多

香油調

乾痒出血

多加大黃

黃連

猪脂調

重多

加蕪荑

錫灰

振

柳藜蘆班毛

紅色

加黃丹

青色

加青黛

瘡在上

多

服通聖散

在下

多以藏用

丸下

脚腫

出血

加血

分濕

熱藥

濕熱 膿胞瘡治熱為主

黃芩 黃連 大黃各三錢 蛇床子

寒水石二錢 黃丹五分 白礬一錢 輕粉

白芷 無名異各少許 木香少許

右為細末麻油調塗

敷重 又瘡藥膿瘡治熱燥濕為主 虫瘡如癰狀退熱殺虫為

主 乾疥瘡開瘡為主加吳茱萸

蕪荑 黑狗脊錢一 樟腦錢一 松香頭上多

白礬 雄黃 硫黃 水銀錢一

黃連 方解石分一 蛇床子定痒 松皮灰膿腫

加之

羅間茹散治疥經年不瘡

水銀錢一 好茶錢二 間茹錢三 輕粉錢一

右爲細末每用不拘多少麻油調塗之

世治疥癬以臘月猪脂不拘多少同生白礬杏仁加輕粉

搗爛擦之陳無擇云杏仁輕粉最殺虫甚妙

本治亦不問新久方

白礬黃兩一 檳榔 吳茱萸各半兩 硫黃二錢

右爲末麻油調搽破瘡之

世砂瘡殺虫爲主

蕪荑錢二 剪草錢一 蛇床子錢三 白礬錢一

明礬錢一 吳茱萸錢一 蒼朮 厚朴

雄黃各半錢 寒水石錢二 黃柏錢二 輕粉針

世治砂瘡山蟻窠黃荆葉雄雞毛等分燒存性爲末香油

調傳 又方用陳年船底灰搗細篩過桐油調傳立効

又方治砂瘡用水蒿莖燒灰存性香油調傳立愈水多者

乾傳

水筒芭如百合狀生水邊
七八月結子又如野蘇狀

疥癩瘡

奉天發熱疥癩瘡
為土不宜抵供

白礬

吳茱萸

各二錢
獐腦

輕粉

寒水石

二錢

蛇床子

錢二

黃柏

大黃

硫黃

錢一

檳榔

右為末猪脂油調搽

治疥

治癩疥濕瘡浸淫日久痒不可忍搥之黃水出瘰後復發

取羊蹄根去皮細切熟熨以大酢和先洗淨傳上一時再

以冷水洗之日一傳瘡若為末傳尤妙

蹄根和猪脂塗上或着鹽少許即焦

生瘡疥茵陳煎湯濃洗立安

治痛

有人患遍身生熱毒瘡痛而不痒手足尤甚至頸而止

粘着衣被曉夕不得睡痛不可忍有下俚效以菖蒲三斗

剉日乾之春羅為末布席上使病瘡人恣臥其間仍以衣

被覆之既不粘衣被又復得睡不五七日其瘡如失應手神驗

浸淫瘡痛不可忍者發寒熱刺刺末水調傅瘡上乾則

易之簡要治疥癬滿身作瘡不可治者何首烏艾等分

以水煎令濃於盆內洗之甚能解痛生肌內

元希聲侍郎治卒發疥秘驗方石灰隨多少和醋漿水

調塗隨手即滅一法用石灰炒紅出火氣香油調傅

又方淋石灰汁洗之孫真

久疥木香散治多時不斂一切惡瘡此藥能生肌肉止痛

木香 檳榔 黃連各半 白芷三

已上同為細末先洗淨每日一遍乾貼有水出勿怪未

効又貼 又方同上加地骨皮為細末先於瘡口上用

溫藥水洗濕挹乾後上藥治之効不可述暨治下疳瘡

神効

諸瘡 諸瘡久年者千年韭根炒存性末之猪油調傳三本
經

更部 手集多年惡瘡不瘥或痛痒生膿爛研馬糞并齒灰
傳上不過三兩遍效武良相在蜀足脛有瘡痛不可忍得
此方便瘥

風瘡 久不瘥燒菰蔣末以傳之
按本草即野荑白

雜瘡 痂子茨菰葉陰乾為末傳之

患 患禿瘡以水研山荳根傳瘡上 患麤豆等瘡以水研

山荳根服少許

連 連痂痒痛搗扁竹封痂落即瘥
後 洗諸瘡疥取冬

瓜藤皮煎湯妙
日華 中風犯毒霧標木皮煎湯洗妙

運氣 運氣浸淫皆屬火經云歲火太過甚則身熱膚浸淫是也

結灸

手疥

勞宮灸

太陵灸

出瘡疥頑癬

絕骨

三里

各一寸半

間使

解溪

各五分

血邪

遍渾身生瘡疥

曲池

合谷

三里

絕骨

行間

委中

用癬疥陽谿主之

少陰有餘病皮痺癢疹

全文見諸症

仲浸淫瘡從口流向四肢者可治四肢流來入口者不可

治

癬

風熱

用癬瘡用防風通聖散去硝黃加浮萍皂角刺

又方治癬用

浮萍

兩

蒼耳

兩

蒼朮

兩

苦參

兩

黃芩

兩半

香附

兩半

右爲末酒調服或酒糊丸

苦參丸治肺毒邪熱生瘡生癬疥並宜服之以苦參一

味爲細末粟米飲丸如桐子大每服五十九空心溫水飲

湯送下

風濕

烏頭丸治風癰妙

方見紫白癰風

何首烏散治脾肺風毒攻腫遍身癰變成癰疹搔之成

瘡或肩背拘急肌肉頑痺手足痠裂風氣上攻頭面生瘡

及治紫癰白癰頑麻等風

荊芥穗

蔓荊子

葳靈仙

何首烏

甘草

防風

鉅鼓草

右件各等分搗羅爲末每服一錢食後溫酒調下沸湯

亦得

雜方

癬在脛項間後延上至耳成濕癬他治不應以蘆薈一兩研甘草末半兩和勻先用溫漿水洗癬拭上傳之神妙

變劑

癬方樅樹皮不犯銅鐵每二兩又蘆薈三錢白芨三錢細研爲末刮癬出血用好醋調傅雖痛卻一傅可愈

一方用蘆薈

大黃

輕粉

雄黃

蛇床子

樅樹皮

栴榔

右先刮破癬用醋調藥末塗之

頑癬用樅樹皮加巴豆班毛爲細末又加生硃少許水調傅

癬治牛皮癬用清香油一兩入全蝎七枚巴豆二十枚班毛十枚同熬候色焦者先去之去了入黃蠟一錢候溶收起朝擦暮愈不損皮肉

又方綠籬根不拘多少花椒一兩

信少

防風半兩

江子樹五

白芨半兩

百部半兩

白欬半兩

右各爲末和綠籬根搗熟成團將藥於癬上擦之候痛過洗浴

又方一味綠籬根去粗皮取細皮貼肉者搗爛用醋調塗癬上立愈

乾癬積年生痂搔之黃水出每逢陰雨卽痒用狼毒末塗之聖惠外臺用班毛半兩炒爲末蜜調傅上

治癬用熟蘆細搗爲末生油和傅之

治癬疥久不瘥羊蹄根搗絞取汁用膩粉少許調如膏塗傅患處三五遍卽瘥如乾卽用猪脂調和傅之簡要

栢脂膏治乾癬

栢油一斤

黃蠟半斤

杏仁粒四十五

朴硝抄一

右件相和於鐵器內用老生姜葱白三根一順攪五七次煎沸濾過成膏於瘡上搽之

圖取楮皮枝中白汁塗癬甚妙

聖治癬濕痒用楮葉半斤細切搗傳癬上

經治五種瘡癬以韭根炒存性旋搗末以猪脂調傳之

五度瘡 又方患癬瘡搗山荳根末臘月猪脂調塗之

羅祛濕散治多年濕癬大有神効

濕者燥之

蚕沙兩

薄荷兩

右爲細末每用不拘多少乾摻於瘡上或用生油調搽
字和一女子年十五兩股間濕癬長三四寸下至膝發痒時爬搔湯火俱不解痒定黃赤水流又痛不可忍灸熨薰漂硫黃蘭茹白姜蚕羊蹄根之藥皆不効其父母求療於戴人戴人曰能從予言則瘡父母諾之以銖針磨尖快當

其痒時於癰上各刺百餘針其血出盡煎鹽湯洗之如此四次大病方除此方不盡以告後人恐為辨藥所誤濕滯於血不可不砭者矣

紫白癜風白禿

龍蛇散治風虛頑麻遍身紫白癜風癢痒痛者

白花蛇

去骨

黑梢蛇

去骨

草薺

天麻

黃芪

金毛狗脊

自然銅

骨碎補

楓香

研

地龍

草烏頭

鹽水浸剉各一兩

乳香

沒藥

各三錢

麝香

二錢

右細末酒糊丸桐子大每服十五丸酒下食後為末酒調亦得

加減何首烏散治紫白癜風筋骨疼痛四肢少力眼斷瞳人鼻樑崩塌皮膚疥癬手足皸裂睡臥不安行履艱難

何首烏

蔓荊子

石菖蒲

荊芥穗

苦參

葳蕤仙

甘菊花

枸杞子各一

右爲細末每服三錢蜜茶調下不拘時

聖治白癩用馬鞭草不限多少爲末每服食前用荊芥薄荷湯調下一錢匕

風濕

本治宿患風癬遍身黑色肌體如木皮膚粗澁及四肢麻痺宜服烏頭丸

草烏頭一斤入竹籬內以水浸用瓦片於籬內就水中瀧洗如打菱角法宜候瀧洗去大皮及尖控起令乾用麻油四兩鹽四兩入銚子內炒令深黃色傾出油只留鹽并烏頭再炒令黑色烟出爲度取一枚劈破心內如米一點白恰好如白多再炒趁熱取羅爲末用醋糊丸如桐子大每服三十九空心晚食前溫酒下真州資福

藥方

康文雅白老有此疾服數年黑點頓除腳力強健視聽不衰有一宗人遍身患紫癩風身如墨服踰年體悅澤予服之一年諸風疥瘡瘍皆瘥性危熱雖云去毒要之五七日作烏頭粥啜之爲佳粥法用豫章集中有佳

世紫白癩風貝母爲末以胡桃肉蘸洗浴後擦之神効

又方以信石好者爲上研極細用真香油調如薄粥過一宿取清油傳之愈 又方用金獅草搗碎擦之累効

聖父方杜大黃 飛礬 右肥皂爲丸擦之

白禿 松香 麝 黃丹 光粉 枯礬

胡坏 右末香油入姜汁少許調傳上

針灸

又法直兩乳頭以篋量過當兩脇脈絡上灸之脇絡脈俗呼爲蝦蟆穴也

面瘡

治面部生瘡或鼻臉赤風刺粉刺用蘆藥不動者惟有
此藥可治神妙不可言每以少許臨臥時洗面令淨如而
油用之數日間瘡腫處自平赤亦自消如風刺粉刺一夕
見効仍塗藥勿近眼處

生硫黃

香白芷

瓜蒌仁

膩粉各半

全蠍七枚

蟬蛻五枚

芫菁七枚去

右爲細末麻油黃蠟約度如合面油法火熬溶取下離
火入諸藥在內每用少許塗面上

面瘡水調平胃散塗之

治臉上熱瘡涎出以蒲黃傅上瘰

洗面藥方治面有黥點或生瘡及粉刺之類并去皮膚

燥痒垢膩潤澤肌膚

皂角

三斤去皮

糯米二升

棗莖

八合揀

楮實子

五兩

三奈子

縮砂

連皮作兩

白芨

二兩肥

甘松

升麻

白丁香

五錢臘月收揀淨

右七味同爲細末訖和棗荳糯米粉及皂角末一處攪

勻用之効

面油摩風膏

麻黃

二分

升麻根

二錢去皮

羌活

去皮一兩

防風

二錢

歸身

一錢

白芨

一錢

白檀

五分

右以綿裹定前藥於銀石器中用油五兩同熬得所澄

清去查以黃蠟一兩再煎熬爲度

瑩肌如玉散

白丁香

一錢

香白芷

七錢

升麻

半兩

白芨

一兩

麻黃

去節二錢

白牽牛

一兩

當歸

稍半兩

白附子

二錢

白蒺藜

一兩

楮實子

四錢

白茯苓

三錢

連翹

半錢

白欬兩

小椒兩

右爲細末每用半錢多少洗之

塗點點不令生瘡

猪苓

麻黃

桂枝

白蔹

白附子

連翹

防風

香白芷

白欬

當歸身

升麻根

白芨

右等分爲細末洗面用之臨臥唾調少許塗面上

附療面多肝點如雀卵色以雞羊膽一枚酒二升煮三沸

塗拭之三日瘥 治面上粉刺搗兔絲子絞汁塗之

附白附丹治男子婦人面上黑班點

白附子兩

白芨

白欬

白茯苓

蜜陀僧

白石脂

定粉各等分

右爲細末用洗面藥洗淨臨睡用人乳汁如無用牛乳

或雞子清調和丸如龍眼大膏乾逐旋用溫漿水磨開傳之

癩頭瘡

風熱

防風通聖散爲末酒浸焙乾九三次食後白湯調服日三服至頭有汗効

濃煎鹽湯洗三五日一洗用一上散傳之久年不愈神

効

方見
疥部

用上好紫霄炭燒通紅入水研之又燒又焠以水熱爲度取所焠之水日日洗之使熱毒宣發而愈外以胡荽子伏龍肝懸龍尾屋梁塵也黃連白礬爲末調傳又服酒炒通聖散効

一方單用黃連末傳之累効

口瘡唇瘡

熱

升王四叔公口瘡舌強多痰

白朮

甘草稍錢一

人參

赤芍藥

木通

生地錢半

黃連錢半

瓜蒌子十二枚

右作一貼煎

羅黃連升麻湯口舌生瘡

升麻錢一

黃連錢三

右為細末綿裹含津嚥

辛能散

羅治口瘡黃栢灸同細辛各二錢研極細傅之噲少時當

滿口有涎吐之少刻又傅又噲如是五七次立愈千金方北治

辟氣方也

羅綠袍散治大人小兒口瘡多不効者

黃栢兩四

甘草錢二

青黛兩一

右先取二味為末入青黛同研勻乾貼

黃栢皮蜜炙與青黛各一分同爲末入生龍腦一字研
勻治心脾熱舌頰生瘡常搽瘡上有涎卽吐之

蜜栢散治口瘡久不愈者用黃栢不計多少以蜜炙灰
色爲細末乾搽上臨臥忌酒醋醬犯之則瘡難愈

丹好酒煮黃連呷下立愈

本治膈上熱極口舌生瘡

膩粉

杏仁七粒不

右二味臨臥時細嚼令涎出則吐之用溫湯嗽口未痊
可又用

酸能收

治口瘡以薔薇根避風處打去土煮濃汁溫含冷易之
五倍子治口瘡以末搽之便可飲食

治口瘡以膽礬一塊用百沸湯泡開含漱一夕可瘥八
分一方用白礬湯嗽口亦妙凡口瘡用西瓜漿水瘡

實熱

甚者以此徐徐飲之冬月無留皮燒灰噙之

治口瘡以好墨研蠐螬極細傅之立効胡氏蠐螬走小腸膀胱其効甚捷因力峻氣猛陰虛氣上致瘡者戒勿用惟體實有熱在上焦者用之如神

和治一男子病口瘡數年上至口中至咽嗑下至胃脘背痛不敢食熱物一涌一泄一汗十去其九次服黃連解毒湯不十餘日皆釋

虛火

口瘡服涼藥不愈者此中焦氣不足虛火泛上先用理中湯甚則加附子

本治滿口生瘡此因虛壅上攻口舌生瘡

章烏

个

南星

个

生姜

塊

右焙乾為細末每服二錢臨臥時用醋調作掩子貼手足心來日便愈

丹口瘡以遠志醋研搗毛掃患處出涎

不治口鼻生瘡用生姜一塊臨睡時細嚼含睡不得開口
出氣眠着不妨睡覺咽下

廣麻

保治少陰口瘡半夏散聲絕不出者是寒遏絕陽氣不伸
半夏製一兩桂烏頭各一字同煎一盞分作二服 治太
陰口瘡甘草散以甘草二寸白礬栗子大含化咽津 治
赤口瘡乳香散以乳香沒藥各一錢白礬半錢銅綠少許
研爲末摻之 治白口瘡沒藥散以乳香沒藥雄黃各一
錢輕粉半錢巴豆霜少許爲末摻之

運氣口瘡有二

運氣

一曰熱經云少陽司天火氣下臨肺氣上從口瘡是也
二曰寒經云歲金不及炎火乃行復則寒雨暴至陰厥且
格陽反上行病口瘡是也

雜方

治口瘡猪蹄殼燒爲末傅之立止張氏方 治口瘡與走

馬疳茄蒂中木去皮燒存性入少白梅灰與少熟細末傅

之立安楊要同

紅芍藥散

心病口瘡 紫桔紅蒼 三錢四兩 五服安康

右件紫苑桔梗紅芍藥蒼朮各等分爲細末羊肝四兩

批開摻藥末三錢用麻扎定火肉燒令熟空心食之大

効白湯送下

主小兒口瘡通白者及風疳瘡蝕透者以白姜蚕炒令

黃色拭去蚕上黃肉毛爲末用蜜和傅之立効

主口內熱瘡以古文錢二十文燒令赤投酒中服之立

瘥

口舌生瘡胸膈疼痛用炒豉細末含一宿便瘥

治口瘡用縮砂不拘多少火煨爲末摻瘡即愈
用枳榔燒灰存性爲末入輕粉傅之

治口瘡取桑樹汁先以髮拭口即以汁傅之

化毒法凡口瘡無問新舊遇夜臥將自己兩丸以手攪
緊左右交手揉三五十遍但遇夜睡覺行之如此三五度
因酒而生者一夜愈久病諸口瘡三二夜愈如鼻流清涕
惡寒者握二丸向上揉之數夜可愈

唇瘡

世唇瘡以饒上滴下汗傳之累効如神

羅多効散治唇緊瘡及疹

訶子肉 五倍子 各等分

右爲細末乾貼上効

丹唇黃泡腫烏頭炒灰研香油調傅之 胡氏方 唇上生瘡

連年不瘥以八月藍葉一斤搗取汁洗之不過三日瘥

方 唇上生瘡用白荷花瓣貼之神効如開裂出血者卽

止

針灸

口瘡 承漿 合谷 人中 長強 海泉三棱出血 不已用後

穴

金津、玉液各出

密 又方 委中馬 後谿補此二穴乃心火 腎水二經之表

通 又法 膳俞 小腸俞各灸七壯 太衝分五 勞宮

牙疳瘡

洗

通 神功丸治多食肉人口臭不可近牙齒疳蝕斷肉將脫

牙落血出不止

黃連去鬚淨一兩酒洗

縮砂仁兩 甘草三錢

藿香葉一錢 生地黄酒浸三錢 木香一錢 升麻二錢

當歸身一錢 藺香葉如無藺香葉代之

右爲細末水浸蒸餅爲丸藁豈大每服一百丸加至二

百九止白湯下食後服兼治血痢及下血不止血下褐
色或紫黑色及腸澼下血空心米飲送下其脈洪大而
緩及治麻木厥氣上衝逆氣上行腰間者

治小兒走馬牙疳

見小兒
疳門

耳內瘡

少陽
黍粘子湯治耳內痛生瘡

桔梗兩分

柴胡三分

連翹二分

黃芩二分

黍粘子二分

紅花少許

歸稍二分

生地黃二分

蒲黃一分

甘草一分

黃連二分

草龍膽一分

昆布一分

黃芪三分

蘇木一分

桃仁錢

生甘草一分

右件劉如麻荳大作一服水二大盞煎至一盞去查稍
熱服食後忌寒藥利大便

少佐

羅治耳內生瘡者為足少陰是腎之經也其氣通於耳其經虛風熱乘之隨脈入於耳與氣相搏故令耳門生瘡也
曾青散主之

治耳內有惡瘡曾青散

雄黃七

曾青兩

黃芩二錢

右件搗為細末研勻每用少許納耳中有膿出即以綿杖子拭乾用之

黃連散

黃連兩

白礬七

右搗為細末每用少許綿裹納耳中

腎臟風陰瘡

瘡

四生散治癩風上攻下注耳鳴目痒鼻赤齒浮或作口

瘡下注陰濕四散搔痒通體生瘡及婦人血風等症

白附子

茯苓兩

黃芪兩

羌活分

補中有

右為末每服二錢鹽酒調下有一人將猪腎破開入鹽
擦藥煨亦妙類屬宗筋胃陽明養之故有是証

世治腎臟風凡指縫白者只一二服効

黃芪兩

木通

甘草

黑牽牛各半兩

右四味細剉用斑毛七枚去翅同藥炒焦黑去斑毛餘
為末蒸餅糊為丸如桐子大空心鹽湯下三十九

本治腎臟風上攻下注生瘡并癰烏頭丸

川烏兩

草烏

一兩二味以黑豈半升
煮透軟去皮脂切曬乾

天麻

地龍去

白附子各半兩

右為末酒糊為丸如桐子大每服二三十九空心食前

鹽酒鹽湯任下

風熱

世有一婦人患臍下腹上連二陰遍滿生濕瘡狀如馬刀
他處並無熱痒而痛大小便澁出黃汁食亦減身面浮腫

醫作惡瘡治用鰻鮓魚松脂黃丹之類塗瘡上愈熱痛甚治不對故也細問之此人嗜酒貪啗喜魚鱗發風等物急令用溫水洗拭去膏藥尋馬齒莧四兩研碎入青黛一兩再研勻塗瘡上即時熱減痛痒皆去仍服八正散日三服發散客熱每塗藥一時久即乾又再塗新濕藥如此二日減三分之一五日減二自此二十日愈既愈乃問曰此瘡何緣至此曰中下焦畜風熱毒熱氣若不出當作腸癰內痔仍須禁酒及發風物後不能禁酒果患內痔

陰囊瘡蠟面茶末之先以甘草煎水洗後傳上妙驗

陰上濕泡瘡硫黃末傳之日三次

傳

治丈夫陰下濕痒蒲黃末傳之良

陰瘡人屎燒灰傳之安

腎臟風甘草節湯洗極効

雜方

秘腎臟風痒不可當者吳茱萸蛇床子等分煎湯洗神効
治腎臟陰汗生瘡用莧菜根莖葉燒灰存性研細拆破傳
之立愈又蒼耳草蛇床子煎湯洗之良

秘治男子婦人陰部濕淹瘡

五倍子

細研五分

白礬

銅綠

少許

輕粉

一字

乳香

五分

右爲極細末洗淨搽之

世治陰瘡痒痛久不止

銅錢

百枚

烏梅

七枚

鹽

二錢

右水一碗半煎至一碗洗之無不効驗

世腎臟風瘡

血

卽百重

上膝三十指中者

世腎臟風瘡

血

卽百重

上膝三十指中者

三陰交

下疳瘡

針灸

熱

有一隣人三十餘性狡而躁素患下疳瘡或作或止夏初患白痢膈上微悶醫與理中湯四貼昏悶若死片時而甦予脈之兩手皆沉重取畧弦似數予曰此下疳瘡之深重者與當歸龍薈丸去麝四貼而利減與小柴胡去半夏加黃連芍藥川芎生姜煎五六貼而安 一男子近三十歲有下疳瘡雖屢求治以其不能忌口却之忽一日頭痛發熱自汗衆作傷寒陽証治之反劇予診其脈弦甚七至重按則澁予曰此症在厥陰藥與症不相應遂作小柴胡湯加草龍膽黃連胡黃連帶熱服四貼而病脫然 治男子耻瘡或痛在莖之竅或痛在莖之標皆手足大陽不利熱毒下傳入于足厥陰故變紫黑色作蝕瘡毀其莖而死宜以子和泄水丸散導其濕毒無不愈者若已成瘡先泄其根次從標而治外以葱白煎豈汁漂洗拭乾以黃連木

香蜜陀僧乾胭脂之類細末搽之如內潰膿不出以追膿散上之又用子和泄水丸如後寢膿少可用黃連木香胭脂等貼之

子知泄水丸一名大智丸

大戟

芫花

甘遂

海帶洗

海藻洗

郁李仁

續隨子已上各半兩

樟柳根兩一

右爲細末水煮棗肉爲丸如小豆大每服五七十九熟水下

治下痢瘡先用張子和泄水去根後用此藥乾上

黃連

滑石各半兩

定粉錢三

輕粉少許

乳香錢一

蜜陀僧錢二

右細末乾上或加乾胭脂或加木香檳榔

下疳瘡

蛤粉

臘茶

苦參

青黛

蜜陀僧

右用臘脂調塗河水洗淨并治臙瘡

世又方

青黛

海蛤

蜜陀僧

黃連

右爲末傳上

丹一切熱毒惡瘡及下疳瘡用蜜陀僧黃栢皮末各一分

半臙粉一錢麝香少許先洗瘡拭乾傳之甚者三四次

治下疳瘡雄黃黃連等分爲末濕者乾摻乾者油調傳先

用荊芥射干煎湯洗却傳之妙一方用地骨皮末傳神効

湯追膿錠子膿肉潰不出以此藥追之

雄黃二錢

巴荳半錢

輕粉一字

嘗治一男子下疳瘡每恣飲酒則發醫與小柴胡湯加

補虛

取膿

黃連數貼不効又與玉燭散下之反劇予以甘草節小建中各半煎湯服之下咽痛止後以四物湯建中甘草等分與之漸安

敷貼

丹

陰頭瘡蜜煎甘草傅之安

外臺秘要

又方用頭髮以鹽水

洗淨去油再用米泔洗淨又用清湯洗晒乾燒灰傅瘡上便結靨

世

蒼耳葉爲末摻之

治下疳瘡黑形兔爲末傅上神効

一名烏吊上
一名孩兒沙

父者欬之

海

治下疳瘡久不愈橡斗子二箇各盛黃丹令滿相合以

亂髮纏定燒烟盡爲度同研爲末先以葱白熱漿水洗瘡膿盡次上藥甚者不過三次如神

因

療人陰生瘡膿出成坎取高昌白礬麻仁等分研煉猪

脂相和成膏槐白皮作湯洗瘡拭令乾卽塗膏然後以楸

藥貼其上不過三五度瘰

下疳瘡用五倍子末傅之

婦人陰瘡

雜方

少陰脉滑而數者陰中即生瘡陰中蝕爛者狼牙湯洗之用狼牙二兩以水四升煮取半升以綿纏筋如繭浸湯瀝陰中日三遍

洗桐散治陰蝕瘡

甘草

乾漆

黃芩

當歸

地黃

芍藥

龜甲

右細切以水七升煮取一半去渣以綿帛內湯中用桐瘡處良久即易日二度每桐湯可作十里許即挹乾捻取汁濕散薄傅瘡上使徧可經半日又以湯桐湯訖如前傅藥

有一婢生此疾蝕處作兩瘡深半寸用此洗搦湯洗後
甘濕散不經七日平復甚効

甘濕散

蝨蛇膽類

青木香

石硫黃

鐵精

麝香

各四分臨時入凡絲射屏即効
若先以相和蛇胆即無力也

右各等分爲末更研細有患取如三棊子大和井花水
日再服訖先令便利了卽以後方桃枝煎下部訖然後
取藥如棊子安竹管裏內入下部中日再度老少量減
其黃法每日一度不用再

桃枝煎法取東南桃枝五七枝輕打頭使散以綿纏之又
搗石硫黃爲末將此綿纏桃枝撚轉之令末少厚又截一
竹筒先內下部中仍以所撚藥桃枝燒熱薰之

婦

女子陰瘡硫黃末傳之

後

正蛇床子散濕陰中主藥用蛇床子仁一味末之以白粉少許和令相得如棗大綿裹納之自然濕散

氣運氣陰瘡皆屬寒經云太陽之勝陰中乃瘍隱曲不利治以苦熱是也

腫瘡

世治腫瘡極妙地骨皮一斤黃柏皮二兩剉為粗末用香油一斤半煎濾過藥油六七兩入淨松香二十兩黃丹二兩同煎候黃丹微黑色却入輕粉七角光粉二角煎法皆如煎膏法用長條紙拖過掛乾用若此瘡紫黑先用三稜針去惡血以冷水洗淨隨瘡大小剪膏藥掩上用絹帛緊繫扎縛俟一周時再換膏藥換時須用冷水洗瘡不過數換不問新久即愈須忌日氣火氣陽氣倘換膏藥再看如有黑腫未盡可再出血以紫黑血盡為度

治癰瘡用糯米泔嗽口過洗瘡拭乾却以地骨皮爲細末
蜜調傅瘡上又以油紙縛之

治癰瘡

白膠香兩一 黃柏兩一 軟石膏另研青黛兩

龍骨分五

右爲細末以香油調傅患處

又方羯羊屎二分石膏一分赤石脂半分爲細末香油和
之舊黑油傘紙作隔背縛之除根

翠玉膏治癰瘡

瀝青兩四 黃蠟 銅綠各五錢 沒藥三錢

右件先將銅綠爲細末入香油調勻又將黃蠟瀝青火
上溶開次下油銅綠火上攪勻將沒藥等三味旋旋入
攪勻用河水一碗將藥傾在內用手扯拔勻油紙裹看

瘡大小分大小塊口嚼捻成餅子貼於瘡上紙封三日

易之

四 膝瘡用砂糖水煮冬青葉三五沸滂起石壓乾將葉貼在瘡口上一日換二遍 腳痛成瘡水蓼煎湯洗瘡候乾

自安 經方

山 膝瘡用韭汁洗淨搥乾剉虎骨傳上

濕

四 二妙丸治下焦濕瘡 但是下焦有瘡皆可服 潛行散末蒼朮末

各等分煉蜜為丸桐子大

寒濕

海 治兩膝脚膝生瘡局方虛損門服黃芪丸立安

黃芪丸

川烏頭 炮去 川練子 地龍 去土 茴香 炒

杜蒺藜 炒去刺 赤小豆 防風 去芦 黃芪 劉各

烏藥 二兩

雜方

右爲細末酒煮麪糊爲丸如桐子大每服十五丸溫酒下鹽湯亦得婦人醋湯下並空心服

脚氣瘡足跟瘡

四捷應散治脚濕氣成瘡痒不可當爬之流黃水用羯羊糞晒乾爲末安於瓦上手把竹柴火燒作灰又研細先用葱椒湯洗之次用香油調厚傅上以山茶花葉罨之帛縛四五日即可

四脚上爛瘡久不瘥先以酸漿豆腐水洗三二次尋懸鈎担葉地暴扭葉搗細入鹽些少罨之地暴扭葉卽覆盆子葉也

四足跟瘡久不愈毒氣攻注用白朮爲細末先以鹽漿水溫洗乾貼二日一換可以負重涉險

凍瘡

針灸

和經曰寒瘡流水俗呼爲凍瘡或經年不愈者用野中

爭土晒乾以大蒜研如泥捏作餅子如大觀錢厚薄量瘡口大小貼之以艾火加於餅上灸之不計壯數以泥乾爲度去乾餅子再換濕餅子灸不問多少直至瘡加覺痛痒是瘡可治也然後口含漿水洗漬用雞翎二十莖縛作扇子於瘡上刷洗淨以此洗刷不致肌肉損傷也以軟帛拭乾用木香棋檳散傳之如夏月醫之更妙

壯 四 足跟紅腫凍瘡

足跟左足指面後跟赤白肉際骨下刺入三分彈針出血可灸二十七

足跟凍瘡潰破用椒蔥湯洗刮去腐肉用三稜針出血將馬屁勃入生牛骨髓調和傳之効

雜方

治凍瘡用茄根燒灰洗了用雀兒腦髓塗之

等錫取臘月牡鼠死者一枚油一大升煎之使爛絞出查

再煎成膏塗凍瘡及折破瘡

丹治凍瘡用煎熟桐油蜜陀僧傳

山用五倍子煎湯洗

止痛

羅如神散治凍瘡皮爛不可忍用川大黃不拘多少爲細末新水調掃凍破瘡上痛止立効

世治凍瘡痛者橄欖核燒存性爲末用香油調塗患處其痛隨愈

新戴人女僮足有凍瘡戴人令服舟車丸濟川散大下之遂愈人或疑之戴人云心火降則寒消何疑之有

手足皴裂脚縫爛

雜方

潤肌膏治手足皴澁皮膚裂開疼痛不能見風

珠子瀝青兩白黃蠟八錢乳香二錢

右三味於鐵器內用文武火熬下瀝青在鐺內隨手便

下黃蠟乳香次入清芝麻油一二匙候凝青盡溶開微
微熬動放大淨水一盆於其傍以攪藥用匙取一二滴
滴於水中試之如硬再入油如軟硬合宜用新綿搥淨
入水中折疊扯之以白爲度油當旋旋入勿令軟了以
磁器內盛之或油紙裹亦得每用不拘多少先於火上
炙裂子口却捻合裂子藥亦火上炙軟塗於裂子上用
紙少許貼之自然合矣

東 老人路次方城北獨樹店之客舍有推小車者皮膚皴
裂甚痛兩手不能執轆足不能履地而車上宿制此藥傳
之卽効明日遂行自後屢用屢効故錄於此

西 治手足皴裂春夏不愈者

生姜汁

紅糟

白鹽

猪膏

臘月
者佳

右研爛炒熱擦入皴內一時雖痛少頃便皮軟皴合再

用卽安

卽手足寒皴裂台椒三四合煮浸半食頃須更再浸又傳以羊猪髓腦甚妙梅師方

世治腳跟皴裂用頭髮一大握桐油一碗於瓦器內熬候油沸頭髮溶爛出火攤冷以瓦器收貯不令灰入每用百沸湯泡洗皴裂令軟傳其上卽安一方加水粉

世脚裂爛蒸藕研成膏傳之

世用五倍子爲末同牛骨髓填縫內卽好治脚指縫爛瘡搗鵝時取鵝掌黃皮焙乾燒存性爲末濕則搽之

反花瘡瘡有努肉凸出者是也

雜方

世諸瘡努肉如蛇頭出數寸者硫黃末傳之卽縮聖惠方

瘡有肉凸出烏梅燒灰爲末傳之立盡鬼遺方又以白梅

肉杵細入蜜捏成餅如錢大貼之妙聖惠方

梅又方治反花瘡馬齒莧一斤燒灰細研猪脂調傅
世瘡凸出寸許根如小豈或大如梅者用花腳蜘蛛絲纏
其根則漸乾而自脫落

惡瘡

虛實 羅乳香消毒散專治惡瘡

大黃煨

黃芪

牛蒡子炒

金銀花各五兩

甘草三兩

牡蠣鹽泥煨五兩

乳香

沒藥

懸壺各半兩

右爲粗末每服五錢水煎瘡在上食後在下食前

海惡瘡入腹心嘔逆藥食不下

荳粉半兩

乾胭脂三錢

定粉二錢

右細末新水調下神効

雜方 碧霞挺子治惡瘡神効了不覺疼痛者

銅綠

礪砂各二錢

蟾酥一錢

右為細末燒飯和作黍漿挺子每刺不覺痛者須刺出血方紐藥在內以膏藥貼之

蝕惡瘡方非奇異惡瘡不可用

銅綠二錢

礪砂一字

石膽礬

半錢并細研

右為細末傳之

治惡瘡或有小虫

膽礬一錢

龍骨二錢半

輕粉一錢

虎骨

白礬二錢半

麝香五分

乳香一錢

礪砂二錢

腦子一字

土蜂房二錢

露蜂房二錢半

雄黃二錢

右細末刺破鹽水洗看緊慢上藥神効

雜瘡

雜方

世治蒲萄瘡瘡頭如蒲萄色四圍腫起先追膿盡次用米

梅當瘡頭瘻之神愈

本江左有商人左膊上有瘡如人面亦無他苦商人戲滴酒口中其面亦赤色以物食之亦能食食多則覺膊肉脹起或不食之則臂痺有善醫者教其歷試諸藥無苦至具毋其瘡乃聚眉閉口商人喜曰此藥可治也因以小葦筒磨貝母水灌之數日成痂遂愈不知何疾也

四天泡瘡通聖散及蚯蚓泥畧炒蜜調傅妙從肚皮起者裏熱發外速服通聖散

公天行斑瘡須臾遍身皆戴白兼此惡毒氣永徽四年此瘡自西域東流於海內但煮葵菜葉以蒜齏啖之卽止
孫卒得惡瘡不識者燒苦竹葉和雞子黃傅

疣 疣音休俗病
月卸眼子是也

手太陽之別名曰支正上腕五寸虛則生疣小者指痂疥

取之所別也金匱針

手足生疣目鹽傳上舌舐之只三次瘡後用

世疣用雞胃中食措疣上措餘者以石壓之驗

疣

世取瘰癧藥

糯米百粒

石灰擇指大

巴豆三粒去殼研

右為末入磁瓶同膏三日每以竹簪挑果許點上自然

蝕落

世取厲

風化石灰一兩花碱半兩

右為細末上三次如天色冷濕用

世石灰水調一盞如稠粥揀好糯米全者半置灰中半置

灰外經宿灰中米色變如水精若人手面上有黑厲子及

紋刺者先微微以針頭撥動置少許於其上經半日許膿汁自出別去藥不用且不得着水二三日愈 又方用水蛭一條雞子一枚開雞子小頭內水蛭以皮兒蓋合封之直至水蛭食盡雞清乾盡自死乃用之

擗撲傷損

金瘡

杖瘡

湯火傷

竹木刺針入肉

箭入肉

漆瘡

法
萬
醫
損

世凡擗傷皮破血出處疼不可忍乃風寒所着宜用葱杵碎入鹽少許炒熱卷上其痛即住冷則再溫之

本崔給事頃在澤潞與李抱真作判官李相方以毬杖按毬子其將軍以杖相格乘勢不能止因傷李相姆指并爪甲劈裂遠索金刀藥裹之強坐頻索酒飲至數盃已過量而面色愈青忍痛不止有軍使言取葱新折者入漚灰火煨熱剝皮擘開其間有漚取漚損傷處仍多煨葱續續取

熱者凡三易之面色却赤斯須云已不痛凡十數度易用
熱葱并涕裹纏遂畢席笑語

治腦骨破及骨折葱白爛研和蜜浮封損處立瘥 筋
斷骨折者以法接之

接骨方

**治癰撲筋斷骨折用粟米半升木鱉肉二十箇半夏半
兩婦人髮一團葱白鬚一小束同炒烟盡存性爲末熱醋
調傅神効** 治癰撲筋斷骨折用糯米一升皂角切碎半
升銅錢百箇同炒至半焦黑去銅錢爲末用好酒調膏厚
紙攤貼患處神効

打撲傷損及一切腫癰未破令內消方

生地

研如泥

木香

細末

右以地黃膏隨腫大小攤於紙上搽木香末一層又再
攤地黃膏貼腫上不過三五度卽愈昔許元公入京師

赴省試過橋墜馬右臂白脫路人語其僕曰急與接入
白中若血漬白則難治矣僕用其說許以昏迷不覺痛
遂僦輜舁歸邸或曰非銀事巷田馬騎不能了此疾急
召之至巳日暮因秉燭視其面曰尚可治乃施藥封此
處至中夜方甦達旦痛止去其封損處已白其青瘀乃
移在白上自是日日易之腫直至肩背以藥下之瀉黑
血三升五日復常遂得赴試蓋用此法云

走馬散治折傷接骨

栢葉

生用

荷葉

生用

皂角

生用

骨碎補

去毛等分

右爲末先將折傷處揣定令入元位以姜汁調藥如糊
攤紙上貼骨斷處用杉木片夾定以繩縛之莫令轉動
三五日後開看以溫葱湯洗後再貼藥復夾七日如痛
再加沒藥

本治腕打傷筋損骨疼痛不可忍

生地一斤 藏瓜姜糖一斤 生姜四兩

右都炒令勻熱以布裹罨傷折處冷則易之曾有人傷折宜用生龜尋捕一龜將殺患人忽夢見龜告曰勿相害吾有奇方可療於夢中授此方神効

本骨碎補骨閉折筋骨折傷取根搗碎煮黃米粥和之罨傷處良

接骨丹敷貼藥

天南星兩 木鱉子兩 沒藥兩 官桂兩

乳香兩

右爲細末姜一斤去皮爛研取自然汁入米醋少許白麪爲糊同調攤紙上貼傷處以帛縛之用篋夾定麻索子纏

山 搗撲骨肉損醋搗肥皂爛厚暴之以帛縛之閃傷醋糟
平胃散相和服之

調 治癰傷骨折及血黯方用益元散七分人參湯調之次
用姜汁好醋二盞用獨子肥皂四箇敲碎援於姜汁醋中
調和以綿濾過去查煎成膏藥貼之遍身亦可

本 又方柑桔葉白酒糟杵細縛痛處或大段痛用火燒地
令紅用醋并米泔撥地上急鋪荐令患人荐上臥蒸出汗
內則服藥外則貼菴易安

勝金 治破傷多用燈心草爛嚼和唾貼之用綿裹血立愈
四 折傷接筋方旋覆花根杵汁滴傷處又將查封瘡上十
五日使斷筋自續矣

蘇良仲方即金沸草根是也

接骨用好無名異

三兩爲末下乳檀沉木五香各半錢重爲末先燒鐵銚紅
以五香三之一彈入銚內候烟起則全下無名異待漆退

火定後再上火炒熟又將五香彈三之一彈入銚內候滾
又退火如此者凡三次訖出火毒卽用骨碎補去毛約一
斤與生姜等分搗爛以碗覆之候發熱先約取五之一入
小葱九莖連鬚去蒂同入沙盆搗細取其汁調前無名異
末二錢銜老酒服之其查晷患處卽愈如年老氣衰者再
作一劑多飲酒力助之爲妙

綴耳鼻
法

治擦落耳鼻用髮入碓子鹽泥固濟煨過爲末乘急以所
擦落耳鼻蘸灰綴定以軟絹縛定效江懷禪師爲驢所咬
下鼻一僧用此綴之効

利穿法

山負重擔肩破者剪貓兒頭上毛不語唾粘之 遠行脚

脚破法

打泡用調生麵糊貼過夜卽乾不可擦破又法用飯粘貼
過夜以紙蓋之次日平復神効

傷分三
部用藥

海若登高下重物撞打箭鏃外傷心腹胃中停積鬱血不

散以上中下三焦分之別其部分上部易老犀角地黃湯中部桃仁承氣湯下部抵當湯之類下之亦有以小便酒同煎治之更有內加生地黃當歸煎者有太黃者又法虛人不禁下者以四物湯加川山甲煎服妙亦有花蕊石散以童子小便煎或酒服之者此藥與前寒藥正分陰陽不可不辨也若瘀血已去用復元通氣散加當歸煎服亦可

無理症者虛者但行補救

㊟接骨神効無比累驗用當三錢一百零八箇錢厚字連草以鐵線穿定用活桑木一根作柴燒錢紅米醋一大碗未煎者不入鹽將所燒錢焯入醋中如此焯之以醋乾爲度取醋中焯落銅錢末就用醋洗去灰晒乾爲極細末再用黑雄雞一隻清湯煮熟去肉用骨一付以醋炙酥爲末入乳香沒藥各一兩與銅錢末一處和勻每服一字臨服時用

患人髮在頂上者洗去垢燒灰入藥中無灰酒調服不吐
只一服如吐出再服如痛止不可再服必須先夾縛所折
骨端正用楊樹皮刮去肉糊并外粗皮傳之下咽便不痛
五七日便能運動必終身忌葷薺一名地栗義門家傳方
一方用五銖錢醋煅一兩二錢黑雞骨三兩研細勻每服
病在下四錢踈服食前病在上二錢半頻服食後一方有
乳香沒藥

方用醋煅半兩錢蘇木定粉南鵬砂各一錢爲末作一
服當歸酒二三服痛止勿服

出接骨散

沒藥

乳香各五錢

自然銅一兩滑石二兩

龍骨三錢

赤石脂二錢

麝香後入少許

白石脂二錢

右爲細末以好醋浸沒煮多爲上候乾就炒燥爲度臨

服入麝香少許挑小茶匙在舌上溫酒下病分上下食
前後服若骨已接尚痛去龍骨石脂而多服儘好
世又方接骨

乳香 沒藥 蘇木 降真節

川烏去皮 松明節兩 自然銅米醋煅

地龍去土麻油炒半兩 血竭三錢 龍骨半兩生用

水蛭油炒半兩 上狗十個油炒

右爲細末每服五錢酒調下在上食後在下食前

垣定痛乳香神應散治從高墜下疼痛不可忍腹中疼痛

乳香 沒藥 雄黑豈 桑白皮

獨科藥子各一兩 破故紙炒二兩 當歸一兩

水蛭半兩

右爲末每服五錢醋一盞沙石器內煎至六分入麝香

少許溫服

定痛接骨紫金丹

麝香

沒藥

紅娘子

錢各半 烏藥二錢

地龍

錢半 土二

川烏

草烏

炮各一兩

五靈脂

去皮半兩

木鱉子

去壳半兩

茴香

二錢

黑牽牛

生用五分

骨碎補

歲靈仙

金毛狗脊

防風

去芦

自然銅

醋煅七次

各五錢

禹餘糧

細研

陳皮

青皮

錢各半

右爲細末醋糊丸如桐子大每服十九至二十九溫酒送下病上食後病下食前服

聖靈丹治一切打撲損傷及傷折疼痛不可忍者並宜服之

乳香

錢五

烏梅

去核五個

白米

一撮

蒿苳子

一大匙炒

八錢

右爲細木神藥和丸如彈子大每服一九細嚼熱酒吞下食後一伏時痛不止再服

經治折傷用水蛭新瓦上焙乾爲細末熱酒調下一錢食頃痛更一服痛止便將接骨藥封以物夾定直候至好

初虞世治從高至下墜及打擊內傷神効麝香水蛭各一兩剉碎炒烟出二件研爲細末酒調二錢當下畜血未止再服其効如神

經自然銅有人劍折翅鷹後遂飛去令人打撲損傷研極細末飛過用當歸沒藥各半錢以酒調頻服仍以手摩痛處

海治墜落車馬筋骨疼痛不止用玄胡索一兩搗羅爲散不計時服以荳淋酒調下二錢

經童便治卒血及心被打內有瘀血者煎服之一服一升

搗撲傷損松節煎酒喫 搗撲重傷用生姜自然汁二兩香油四兩打勻無灰酒熱調下

右乳香沒藥行汚血調氣例衍義云沒藥通滯血打傷撲損疼痛皆以酒化服血滯則氣壅氣壅則經絡滿急經絡滿急故痛且腫矣道而行之則痛腫消焉

打損磕傷疼痛夜合花末服之酒下二錢七効

治打撲損傷折骨此藥專能接骨

夜合樹

即合歡花去粗皮炒黑色四兩

芥菜子

炒一兩

右爲細末酒調二錢澄清臨臥服以粗查罨瘡上扎縛之

又方用葱白砂糖二味相等分爛研傅之痛立止且無癢痕

白蠟屬金金稟收斂堅凝之氣外科之要藥生肌止血

定痛接骨續筋補虛與合歡皮同入長肉膏藥用極神效
但未曾試可爲藥餌否若合歡皮常試之灸服之大有妙
理且有速効不可不知也

治打傷接骨方

接骨木

半兩本草
名補崔

乳香兩

赤芍藥

當歸

川芎

自然銅兩

右爲細末同黃蠟四兩溶入煎藥末攪令勻候溫軟衆
手丸如龍眼大如打傷筋骨及閃拗着疼痛不可忍者
用此藥一丸無灰熱酒一盞浸藥候藥漬開衆熱呷了
痛便止若大段傷損碎拆須先整骨用川烏草烏爲末
等分生姜汁調貼之又將帛縛定然後服此藥裏裏
兩治無不効者此二方是一副不可分開

治打撲內損筋骨疼痛

沒藥

乳香

芍藥

川椒去子及目者

川芎

當歸各半

自然銅三錢 煅

右為細末用黃臘四兩溶開入藥末不住手攪勻濕泥如彈子大每服一九用好酒煎開消盡藥熱一服吃盡看那處痛向痛處臥霎時服三五丸立效

治破傷見血酒一碗煎服

半兩當歸蠟二錢

合來提碎酒同煎

直須軟冷連查吃

一切傷瘡保萬全

右夜合黃白蠟側接續筋骨補虛也

治破血消痛湯治乘馬損傷跌破看骨惡血流下脇下甚

痛苦楚不能轉側妨於飲食

羌活錢

防風錢

蘇木一錢

柴胡

連翹二錢

當歸稍錢

官桂錢

麝香另研

水蛭

王錢炒去
腥水另研

水蛭
各另研

右爲粗末只一服酒二大盞水一大盞水蛭麝香另研如

泥餘藥煎至一大盞去火稍熱調二味服之兩服立愈

中風有所墮墜惡血留內有所大怒氣上而不行下積

於脇下則傷肝又中風及有所擊仆若醉入房汗出當風

則傷脾又頭痛不可取于脛者有所擊墮惡血在內若肉

傷痛未已可側刺不可遠取之也

邪氣勝則
及厥病偏

夫從高墜下惡血流於內不分十二經絡醫人俱作中風

肝經留於脇下以中風療之血者皆肝之所主惡血必歸

於肝不問何經之傷必留於脇下蓋肝主血故也痛甚則

必有自汗但人人有汗出皆屬風証諸風皆屬於肝木况

敗血凝泣逆其所屬入於肝也從高墜下逆其上行之血

氣非肝而何非傷寒無汗既汗必由風化之也故以破

血行經藥治之

有佳症
便實者
攻者

復元羌活湯治從高墮下惡血流於脇下及痰痛不可忍
者經云有所墮墜惡血留內有所大怒氣上而不行下損
於脇則傷肝肝膽之經俱行於脇下經屬厥陰少陽宜以
柴胡為引用為君以當歸活血脈又急者痛也以甘草緩
其急亦能生新血陽生陰長故也為臣川山甲括萐根桃
仁紅花破血潤血為之佐大黃酒製以蕩滌敗血為之使
氣味相合各有所歸痛自去矣

肝
若血在
痛下

柴胡錢五

當歸錢三

甘草錢二

川山甲錢三

大黃酒浸
兩

桃仁去皮尖
五十個

紅花錢二

瓜萐根錢三

右件桃仁研爛餘藥剉如麻豆大每服一兩水二鍾酒
半盞煎至七分去查大溫服食前以利為度得利後痛
或不盡服乳香神應散乳香神應散見
前無案証條

皆胃者
血冲心

際巴戟湯治從高墜下及打撲內損昏冒嗜臥不能飲食
此謂血閉臟腑不通

巴戟

去心
半兩

當歸

地黃

芍藥

川芎

各一
兩

大黃

半兩

右為末水煎以利為度

恒當歸導滯散治打撲損傷落馬墜車瘀血大便不通紅
腫青黯疼痛昏悶畜血內壅欲死

大黃

兩

當歸

分

麝香

少許

右三味除麝香別研外為極細末入麝香令勻每服三
錢熱酒一盞調下如前內瘀血去或骨節傷折疼痛不
可忍以定痛接骨紫金丹治之

大小便
不通利

奪命散治刀刃所傷及從高墜下木石壓損瘀血凝積
心腹疼痛大小便不通

水蛭

用石灰拌慢火炒
今乾黃色半兩

黑牽牛二

右爲末每服二錢用熱酒調下約行四五里再用熱酒調黑牽牛末二錢催之須下惡血成塊以盡爲度

雞鳴散治從高墜下及木石所壓凡是傷損血瘀凝積氣絕欲死煩躁頭痛叫呼不得並以此藥利去瘀血治折傷神妙

大黃

一兩酒蒸

桃仁

二十七粒去皮尖

右研細酒一碗煎至六分去渣雞鳴時服次日取下瘀血卽愈若便覺氣絕不能言取藥不及急擘口開用熱小便灌之卽愈

羅氏花蕊石散治一切金刃箭鏃傷及打撲傷損猶狗咬傷或至死血瘀傷處以藥搽之其血化爲黃水再搽藥便活更不疼痛如內損血入臟腑煎童子小便入酒少許調

一大盞服之立効若牛舐腸出不損者急內腸入用細系或桑白皮爲線縫合肚皮縫上搽藥血止立活如無桑白皮用生麻綫亦得並不得封罌瘡口恐作膿血如瘡乾以津液潤之然後搽藥婦人產後敗血不盡血迷血暈惡血奔心胎死腹中胎衣不下至死者但心頭覺暖急以童子小便調一盞取下惡物如肝片終身不患血風血氣証若膈上有血化爲黃水卽時吐出或隨大便出

石硫黃兩 花蕊石兩二

右二味相拌合勻先用絛筋和鹽泥固濟瓦礮子一箇內可容藥候泥乾入藥在內再用泥封口候乾安在四方磚上上書八卦五行字用炭一秤籠疊周圍自巳午時從下着火漸漸上徹直至經宿火冷炭盡又放經宿礮冷取出細研以絹羅子羅極細磁盒盛之依法使用

治打撲墜損惡血攻心悶亂疼痛水仙散

未展荷葉陰乾一味爲末食前以童子熱小便一小盞調下三錢以利下惡物爲度

治撲打墜損惡血攻心悶亂疼痛以大乾荷葉五片燒令烟盡細研食前以童子熱小便一小盞調三錢七日三服

塞上方治墜傷損撲瘀血在內煩悶者用蒲黃末空心熱酒調下三錢瘥

宣和中有一國醫忽承快行宣押就一佛刹醫內人醫診視之已昏死矣問其從人皆不知病之由惶恐無地良久有二三老內人至下轎環而泣之方得其實云因蹴鞦韆自空而下墜死醫者云打撲傷損自屬外科欲申明又恐後時參差不測再視之微覺有氣忽憶藥篋中有蘇合

香丸急取半兩於火上焙去脂膜用酒半升研化灌之至
三更方呻吟五更下惡血數升調理數日方瘥

仲景不
分表裏
先利之

御治馬墜及一切筋骨損傷

大黃一兩切湯
浸或半兩

緋帛

亂髮如雞子
大燒灰

敗蒲席三寸

久用炊單布一尺
燒灰

桃仁四十九
个去皮

甘草如中指
節炙判

右七味以童子小便量多少煎湯或內酒一大盞次下
大黃去查分溫三服先判敗蒲席半領煎湯浴以衣被
覆斯須通利數行通後立瘥利後浴水赤勿怪即瘀血
也

傷損愈
後青腫

四治搥撲損肌膚青腫用茄子種通黃極大者切作片如

一指厚新瓦上焙乾為末欲臥酒調二錢七一夜消盡無
痕

因傷損血瘀不散者取牡丹皮八分合重二十一枚煨過同搗篩每用溫酒和散方寸匕服血當化為水下

治被打瘀血在骨節下出者生鐵一斤酒五升煎取一升飲之後附

治從高墜下墜損惡血在骨節間疼痛云臺散

荊芥

藕節各二兩陰乾

芸臺子

川芒硝

馬薊各一兩陰乾

右為細末用蘇木半兩酒一大盞煎至七分調下二錢

服之不拘時服

盛官人因上山惡血瘀入內損傷食少脈弦此須用活血和氣

川芎錢三

青皮錢二

芍藥

滑石各一錢

牡丹皮分五

炙甘草錢一

桃仁七枚研

石作一貼服之

禁忌 針灸

凡傷切不可飲冷水血見寒則凝但一系血入心即死

醫人有所墜惡血留內腹中滿脹不得前後先飲利藥

此上傷厥陰之脈下傷少陰之絡刺足內踝之下然骨之

前血脈出血刺足跗上動脈不已刺三毛上各一痛見血

則已左刺右右刺左善悲驚不樂刺如右方

刺

醫身有所傷血出多反中風寒若有所墜墜四肢懈墜不

收名曰體惰取小腹臍下三結交者陽明太陰也臍下三

寸關元也

寒熱瘧○三結交者即關元穴是也

診

脈從高撲損內有血腹脹滿其脈堅强者生小弱者死

金瘡

雜方

本治金瘡止血除疼痛辟風續筋骨生肌肉地黃散

地黃苗

地崧

青蒿

蒼耳苗

生艾汁三

赤芍藥

各五兩入水煎取汁

右五月五七月七日午時修合以前藥汁拌石灰陰乾入黃丹三兩更杵為細末凡有金瘡傷折出血用藥包封不可動十日瘡不腫不膿

四治金瘡風化石灰菲葉嫩者同搗入鵝血調和成餅乘

風陰乾為末

傳上無鵝血亦得

治金瘡血不止用半夏石灰

鬱金三物為末搽上傷處即住

五療金鎗刀斧傷破血以石灰一升石榴花半斤搗取末

少許捺少時血斷便瘥

六末藥散刀箭藥止血住痛

定粉

風化灰

各一兩枯礬

三錢乳香

五分

沒藥

一字

右件各研為細末同和勻再研搽之

丹 刀斧傷石灰包之痛止血佳

勝金方治刀斧傷止血生肌蝕散晚蚕蛾爲末摻勻絹帛裹隨手瘡合血止一切金瘡亦治 一法用生晚蚕蛾石灰二味同搗成餅陰乾爲末傅之

本治金瘡止疼痛劉寄奴散

劉寄奴一味爲末散摻金瘡口裏昔宋高祖劉裕微時伐荻見大蛇長數丈射之傷明日復至聞有杵臼聲往覘之見青衣童子數人於臼中搗藥問其故答曰我王爲劉寄奴所射合藥傅之帝曰神何不殺之答曰寄奴王者不死不可殺帝叱之皆散收藥而去每遇金瘡傅之効寄奴高祖小字也此藥非止治金瘡治湯火瘡大妙經驗方云劉寄奴爲末先以糯米漿雞翎掃着傷處後摻藥末在上並不痛亦無痕大凡湯火傷急用鹽水

洗之護肉不壞

治金瘡打撲損傷用蒼黃草研細入鹽少許罨之愈

金瘡血出不止按小薊葉封之 金瘡止血杵覆盆花苗

傳瘡立止 傳瘡方

治金瘡血不止兼痛用血竭末傳立止

治惡瘡金瘡刀斧傷見血方以好降真香為末貼之入

水並無傷痕絕妙 方見華陀中藏 治刀箭傷出血不止并骨折

檳榔 木香 胡地黃 各三錢

右為末傳瘡口血立止又可接骨

金瘡方王不留行散主之

王不留行 十分八月 胡蘆細葉 十分七月

桑根 用白皮根行東南者三月三日採 甘草 各十分 黃芩 二分

川椒 三分除目及開口者出汗 乾姜 芍藥

原朴分

右九味桑根皮以上三味燒灰存性勿令過各別研杵
篩合治爲散臘方寸七小瘡卽粉之大瘡但服之產後
亦可服如風寒桑東南根勿取之前三物皆陰乾百日
用

金瘡血不止痛白芍藥一兩熬令黃杵細爲散酒後米
飲下二錢並得初三服漸加

治金瘡出血肉癢蟬蟬二枚燒烟盡以水調服方寸七
令一日服盡當下如水血消 金瘡腸出欲入之磁石滑
石各三兩爲細末白米飲送下方寸七日再用

鬼遺方

仲景問曰寸口脈微而瀋法當亡血若汗出設不汗者云
何答曰若身有瘡被刀斧所傷亡血故也

金瘡血出太多其脈虛細者生數實者死 金瘡在

處出血不絕陰脈不能至陽者死接陽而復出者生 金
瘡出血脈沉小者生浮大者死 斫瘡出血一二石脈來
大者二十日死 斫刺俱有病多少血出不自止斷者其
脈止脈來大者七日死滑細者生

杖瘡

藥治血服

治鬼代丹治打着不痛

無名異

研

沒藥

研

乳香

研

地龍

去土

自然銅

研

木鱉子

去殼
等分

右爲末煉密丸如彈子大溫酒下一丸打不痛

乳香散治杖瘡神効

自然銅

半兩醋
七次

乳香

錢三

沒藥

錢三

茴香

錢四

當歸

半兩

右爲細末每服五錢溫酒調下

效貼

雞鳴散下杖痛腹中惡血甚好方見傷損

五黃散治杖疼定痛

黃丹

黃連

黃芩

黃栢

大黃

乳香已上各等分

右為細末新水調成膏用緋絹帛上攤貼

緊沒藥散治杖瘡止痛令瘡不移

蜜陀僧

沒藥

乳香各一兩

乾胭脂一兩

膩粉兩

右細末次入龍腦少許若多更妙燒葱與羊骨髓生用同研如泥攤在緋帛上貼之

調杖瘡痛用黃栢生地黃紫荊皮敷此皆要藥也只是血熱作痛用涼藥去瘀血為先須下雞鳴散之類雞鳴散方見傷損

損條本草紫荊破宿血

初反治

又方用生地黄黃栢童便調傳或加薑汁 不破者以茱
菜蔥頭杵貼冷即易之膏藥用紫荊皮乳香沒藥生地黄
大黃黃栢之類 又方用木耳盛於木杓內用沸湯浸爛
攪水令乾於砂盆內搗細傳瘡上 又方用大黃黃栢爲
末生地黄汁調傳如乾再傳 又方用野苧根嫩者不拘
多少洗淨同鹽併搗傳在瘡上神妙傷重多用鹽

世杖瘡丹用劉寄奴末六錢馬鞭草末四錢蜜調傳如濕
者乾摻

馬鞭草即欽筆
帶此方甚妙

湯火瘡

世凡湯火傷急向火炙雖極痛強忍一時即不痛慎勿以
冷物塌之及井底泥傳之使熱氣不出爛入肌肉

世火燒以好酒洗之又以鹽傳其上如皮塌者以酒熬牛
皮膠傳之 如湯傷以淋過第二次灰查傳立安 熱酒

傷糯米粉炒黑末酒調傳之 治湯火灼未成瘡者用艾
白根燒灰雞子黃和傳之如成瘡用白蜜封之以竹中膜
貼上日三

世治湯火瘡麩皮炒黑灰爲末傳上神妙此方有補性始
終皆可用 治湯火瘡取舊烹銀爐中燒過焦黃土研細
如粉以生薑調於帛上貼之痛止一方用落銀鍋子細末
油調傳佳

十治火瘡未起梔子仁燒灰麻油和封之厚乃佳已成瘡
燒白糖灰粉傳之燥卽瘥

用白糖
葛氏方

中保生救苦散治火燒熱油所損或至肌肉亦脫一切犬
咬損傷并刀斧所傷用生寒水石不計多少爲極細末調
塗之或乾上然不如油調其痛立止並不作膿無分毫厘
苦楚日近完復永無破傷風症

霜散 治火燒皮爛大痛

寒水石 生 牡蠣 燒

朴硝

青黛

輕粉 各等分

右爲細末新水或小油調塗立止

湯火 所傷赤爛熱痛

赤石脂 寒水石 大黃 各等分

右爲末以新汲水調塗傷處

火燒 桐油 水銀 各等分

右二件以柳條不住手攪成膏再入大黃末石膏末和以牛皮膠入少水溶開外用貓兒肚底毛細剪摻上貼之

綠白散 治湯熨火燒疼痛用苦參不拘多少爲細末每用以小油調搽

精凡被湯熱油痛不可忍取厠下黑淤泥量傷大小斟酌多少次以老姜汁麻油十分之一共研令勻搽傷處立愈

以青黛傳之妙

末補

治湯火瘡爛者以黃蜀葵花落者淨器收之入水些少待爛成水傳上神妙 熱油澆外痛以蜜傳之立安

方梅師

治火瘡敗壞用雲母粉同生羊髓和塗之

治湯火瘡至妙用劉寄奴爲末先以糯米漿雞翎掃傷處後搽藥末在上並不痛亦無痕大凡湯傷先用鹽末搽之護肉不壞然後傳藥 又方以榆白皮末猪脂油塗瘡

愈

治火湯瘡先以酒洗次以楊梅樹皮爲末香油調傳

治湯火瘡用髮一束香油煎以髮盡爲度放冷搽患處驗

治中熱油及火燒除外痛以丹參八兩細剉以水微調

取羊脂二斤煎三上三下以傅瘡上愈梅師方同 治湯火至聖膏用雞子黃十箇入銀石器內熬自然油調好粉傅之愈

竹木刺針入肉

雜方敷貼

精凡諸竹木刺入肉中不出以躑躅研傅立出 又方用

白茅根搗傅之立出 又方嚼牛膝根卷之即出

簡治竹木刺扎入深不得出用烏羊糞搗爛水和卷於傷處厚傅之曾有庄僕腳心中刺不得出苦痛欲死以此藥黃昏傅之至四更其刺出遂安

山蘆葦刺入肉者細嚼栗子查盒傷處 木竹刺已出痛者螻蛄卷之妙

簡治針入肉不出用螻蛄腦子同硫黃研細調傅以紙花貼定如覺癢時其針自出

羅神聖膏取針悞入皮膚用車脂不拘多少成膏攤紙上如錢許二日一換三五次其針自出 又取針悞入皮膚用烏鴉翎三五枚火炙焦黃色碾爲細末好醋調成膏子塗在瘡上紙蓋一二時針出効

簡治針入肉不出用雙仁杏仁搗爛以車脂調勻貼在瘡上其針自出

世治秀針刺足已出痛者用黃泥罨之

簡主小兒誤爲諸骨及魚骨刺入肉不出者水煑白梅肉研爛調象牙末厚傅骨刺處自軟

圖生象牙主諸物刺入肉刮取屑細研和水傅瘡上刺立出如咽中刺用水調飲之舊象梳屑尤佳

孟魚骨在肉中不出者嚼吳茱萸封之骨當爛出

丹破傷風血凝心針入肉游走三症如神方用烏鴉翎燒

灰存性研細調一錢服

箭頭入肉

雜方

治箭鏃入骨不可拔者

巴莖

去壳微焚

蜚螂

并研勻塗所傷處須臾痛定又微痒忍之待極痒不可忍便撼動箭鏃拔之立出

經驗方同

出箭頭方

蜚螂

不拘多少全用

麝香

右為極細末撥動箭頭摻藥瘡口內

躍踴鐵管取箭頭一切針刺入肉盡皆治之

鼯鼠頭

一個或油汁內焚入

蝮蛇

四十枚

芫青

兩

土消虫

什

巴莖

馬肉內

蛆

乾信

醬蛆

乾

夏枯草

礪砂

磁石

黃丹

地骨皮

蘇木

麝

各一兩

石腦油

三兩 齒柴灰汁

三升

右將石腦油蒿柴灰汁文武火熬成膏次下地骨皮等末令勻磁器內收臨時用量瘡勢大小點藥良久箭頭自湧出

萬全神應丹出箭頭魚骨針麥芒等遠近皆治之

莨菪科

即天仙子苗也

於端午日前一日持不語戒遍尋上項科見即取酌中一科根枝葉實全者口道先生爾卻在這裏道罷用柴灰自東南爲頭圍了用木篋子擲起周迴土次日端午日日未出時依前持不語用木擲只一擲取出水洗淨不令婦人雞犬見淨室中石臼內搗爲泥丸如彈子大以黃丹爲衣以紙袋封懸在高處陰乾若有著箭不能出者以緋絹袋

盛此藥一丸放臍中用綿裹肚繫定先用象牙末貼瘡上
後用此藥若箭瘡口生合用刀子微刮開以象牙末貼之
隨出陝西行省出軍曾用有效

雷孫真人治箭鏃在咽喉胸膈及針刺不出方以蟻貼搗
取汁滴上三五度箭頭自出

本療鏃不出搗瓜萆根傅瘡日三易自出

世李渤治箭鏃不出及惡刺以齒塗和鶴虱傅之

趙毒箭有二種交廣夷俚用焦銅作箭此一種纔傷皮便
悶膿沸爛而死若中之用飲屎汁并以傅之亦可惟此最
妙又有一種用射商以塗箭鏃人中之亦困若著寬處不
死近腹亦宜急治今葛氏方治射商者是葛氏方用藍汁
大鹿脂羊血解
之

漆瘡方

藥方

療漆瘡方用湯浸芒硝冷洗之又礬石亦可

漆瘡通身面口腫者亦治苦菜五月五日採曝乾食療

云生食亦可漢椒湯洗之妙 生薑真汁傳亦可其音有本草有

治漆瘡用生紫蘇摩擦之累効 又方用人乳汁傳之

妙

治漆瘡取荷葉乾者一斤水一斗煮取二升洗瘡上日

再即瘡

漆瘡無名異水調傳

通治諸般惡虫蛇咬 毒蛇咬 蜈蚣咬 蠅咬

咬 蝎咬蜂螫 斑蜘蛛咬 刺毛蝨刺蟻站類

聖惠治蛇咬蝎螫蚤咬妙

雄黃錢

信錢

皂角子

巴豆各四十粒

耳塞

麝香各少許

初吹用藥敷貼

右五月五日不聞雞犬婦人處不語搗為細末在杏子

核內封之針挑出上痛處大有神効

世治一切蛇虫傷貝母末酒調服効詳見蛇咬

醫治惡虫咬以酥和鹽傳之瘡

諸般惡虫咬以油浸紫草塗之

治蛇咬蚕咬惡虫咬猪膏蒜搗汁傳陳藏器治狗咬

治蝎蜘蛛蛇毒雞卵輕敲一小孔合咬處即瘥

或入腹者能藥

治毒蛇并射工沙虱等傷眼黑口噤手脚强直毒攻腹

內成塊逡巡不救用蒼耳嫩葉一握研取汁溫酒和灌之

將滓厚卷所傷處

治毒蛇射工沙虱等物傷着人眼黑口噤手足强直毒

氣入腹
白礬 **甘草**
分等

右爲細末每服二錢冷水調下

毒蛇咬

初傷所
新法

治毒蛇傷急以小便洗出血次取口中唾塗之又以牙

塗封傷處俾而護之甚妙且不痛腫

山君云用犬糞
傳患處亦佳

治路行卒被蛇咬當急扯裏腳帶扎縛傷處上下寸許使

毒氣不能快傷肌體又急用白礬安刀頭火上溶汁沸滴

於傷處待冷以長篋子速挑去腐則毒血隨出點腫尚未

退更滴之以退爲度 村居山僻及途中夜行卒被蛇傷

咬難求白礬處速作艾炷灸五壯以唾調鹽塗之如點腫

尚未消釋當更灸更搽毒涎自然流出且不透裏傷人

咬亦
宜矣

治一切毒蛇咬用透明雄黃研細末以醇酒濃調厚搽

傷處水流出如涎痛腫卽消一方以薑汁和雄黃末作

傷要錄
白
蛇

餅子候乾為末每用少許貼瘡口立効

治有人被毒蛇所傷已昏困有老僧以酒調藥二錢灌之遂甦及以藥滓塗患處良久復灌二錢其苦皆去問之乃五靈脂一兩雄黃半兩同為末止此耳後有中毒者用之無不効驗

治毒蛇所傷

細辛

香白芷

雄黃

右為末加麝香少許每服二錢溫酒調服効

雜方

治一切蛇咬用香白芷嚼碎傳患處又用溫酒調服効
治一切蛇虫所傷用貝母為末酒調令病人盡量飲之頃久酒自傷處為水流出候水盡却以藥滓傳瘡上即愈
治蛇咬腫毒悶欲死者用重臺六分續隨子六顆去皮同為細末以酒服方寸匕又以唾調少許傳患處立安

方 又方用白礬二錢服之防毒氣攻心 又方金線重
樓以水磨少許傳咬處又爲細末酒服之 又方用柏樹
葉魚腥草地松節鉞而草草決明共一處研細俾傷處極
佳

治蛇虺咬人以獨頭蒜酸漿草搗汁傳咬處佳

治蛇咬男子陰毛口含二十莖嚥其津毒不入腹

治諸般蛇咬此傳之於擒蛇者藥味不全亦可

大青 小青 青木香 烏柏葉

火炊草 山藤朮 過山龍 地蜈蚣

天門冬 白芍藥 香薷

右細末用白木香研細生白酒調服查晷咬處累効

治蛇咬毒食菜莢一兩爲細末冷水調分爲三服立瘡

治蛇毒吃菰蔣草樓灰取以封之其草卽野茭白是也

廣濟方

蛇咬作瘡吸酒浸日三次廣利蛇入人口并七

孔中者割猪母尾頭瀝血着口中并孔口上即出

聖治因熱取涼睡有蛇入口中挽不出者用刀破蛇尾內

生椒二三粒裹着即出

世治卒為蛇繞不解以熱湯淋之無湯令人尿之 蛇咬

禁忌 忌食酸物梅子犯之大痛

蜈蚣咬

雜方

世治蜈蚣咬生雞血傳上立愈緊効一男子為蜈蚣入咽

喉中咬之垂死之際一醫令殺生雞血乘熱灌喉中蜈蚣

即出而愈實良方也 又方用雞糞塗之 又方治蜈蚣

諸毒虫傷麻油點燈於瘡口上對口薰之登時愈 又法

大油紙燃燒燈吹滅以餘烟燂之 治蜈蚣咬竹葉清研

汁傳之立愈 又方用南星磨汁傳之緊効

梅治蜈蚣咬痛不止獨頭蒜磨螫處立愈

聖治蜈蚣咬方用蝸牛揅取汁滴入咬處

驗蜈蚣咬取蜘蛛一枚安咬處當自飲毒如蜘蛛死而痛未止更易生者

驗蜈蚣咬嚼鹽傳其傷處次以鹽湯洗之梅師方蜈蚣咬

頭始塞之不痛則痒 治蜈蚣咬及諸虫咬毒先用鞋底

上擦之用大蒜小蒜桑葉搗傷處如無用油豉盪傷處或

藍靛塗搗之亦効 治蜈蚣毒虫咬用桑枝汁同鹽擦痛

處或溶黃蠟滴患處肉黑爲度 又方用皂角於咬處上

用艾炙熱去之効

蠅螬咬

雜方

治蠅螬尿成瘡初如粟漸大如莖如火燒泡大痛者速

以草茶細末生油調傳瘡上立止甚妙又方猪膏搗汁傳之草茶卽茶茗

也

治雨點蠅蝥瘡用百合搗爛入鹽少許傳之効

千治蠅蝥尿人影着便令人病瘡如粟粒累累痛似刺虫所螫惡寒壯熱川犀角磨汁塗之則愈

世蠅蝥虫又名八脚虫隱壁間以尿射人遍身生瘡如湯火傷用烏雞翎毛燒灰雞子白塗之 治小兒蠅蝥咬遠腹匝即死用梨葉研爛傳之

食蠅蝥尿瘡鹽三升水一斗煮取六升以綿浸湯淹瘡上
蝥咬蜂螫

雜方

羅雄黃消毒膏治蝥螫不可忍

雄黃

信各半兩

巴豆錢三

白礬生一兩

右爲細末黃蠟半兩溶開入藥攪勻爲錠子如棗子大用時將錠子簽於燈焰上炙開滴於螫着處其痛立止

藥一上散治蝥螫痛

半夏

一字生用

雄黃

一字

巴莖

一个去皮研如泥

右三味同研和勻上之 治蝎毒用溶化白礬乘熱滴傷處痛止毒出

廣治蝎螫人研蜘蛛汁傳之瘥

山蝎螫苦蕒汁塗之

世治蝎螫地磨生薑塗之 又方南星米醋調擦之

外治蜂螫薄荷貼之瘥 又方蜂蝎螫人用人參嚼以封

之

聖治蜂螫人以酥傳之愈

班蜘蛛咬

雜方

張薦昔在劍南爲張延賞判官忽被班蜘蛛咬項上一宿咬處有二道赤色細如筋繞項上從胃前至心經二宿頭面腫疼如數升益大肚漸腫幾至不救張相素重薦因出

家財五百千弁爲家財五百千募能療者忽一人應召云
可治張相初不甚信欲驗其方遂令目前合藥其人云不
惜方當療人性命耳遂取大藍汁一莖碗取蜘蛛投入藍
汁良久方出甚困不能動又別搗藍汁復加麝香雄黃和
之更取一蜘蛛投汁中隨化爲水張相及諸人甚異之遂
令點於咬處兩日內悉愈但咬處作小瘡痂落如舊

附蜘蛛咬遍身皮膚用青葱葉一莖小頭作一孔盛蚯蚓
一條捏兩頭不令透氣搖動化爲水點咬處瘡

附蜘蛛咬處嚼韭白傳之

附蜘蛛等諸般虫咬用葛粉生薑汁調傳

經蜘蛛咬唾和山荳根末塗之狗咬玃蜂瘡蛇咬並水研

山荳根傳之玃頻脂切玃群火蠟也玃卽蠟又方蜘蛛咬一身生絲牟

乳一件飲之

沈存中秦皮一味治天蛇毒此瘡似癩而非癩也天蛇卽草間黃花蜘蛛人被其螫仍爲露所濡乃成此疾以秦皮煮汁一斗飲之瘥

刺毛虫蛭刺螻蛄咬

雜方

四春夏月樹下墻塹間有一等雜色毛虫極毒凡人觸着

者則放毛入入手足上自皮至肉自肉至骨其初皮肉微痒以漸至痛經數日痒在外而痛在內用手抓搔或痒或痛必致骨肉皆爛有性命之憂此名中射工毒諸藥不効用好荳豉約一碗清油半盞拌豉搗爛厚傅痛痒處經一時久鼓氣透骨則引出虫毛紛紛可見取下荳豉埋在上中煎香白芷湯洗痛處如肉已爛用海螵蛸卽烏賊魚骨爲末傅之愈 一方取蒲公英根莖白汁傅之立瘥又方用鍋底黃上爲末以酸醋捍成團於痒痛處搓轉其

毛皆出在土上痛痒立止神効無比黃土即代治蝨蟻

吹用老茶葉細末調傳

丹治蚯蚓咬如大風狀眉髯皆落夜則蚯蚓鳴於身上膜

作鹽湯浸數次安傳信

方昔有病腹大夜聞蚯蚓鳴於身有人教用鹽水浸之而愈

聖治螻蛄咬用槲葉燒灰細研以泔水浸槲葉取洗瘡拭之納少許灰於瘡中又方治螻蛄咬人用石灰醋和塗之

丹蚕咬人用麝香研蜜調傳廣濟方

山居蚕咬用芎汁塗之

馬虎熊咬人 犬咬 癩犬咬 驢涎馬汗瘡

附猪馬畜瘡

山馬咬細嚼栗子傳傷處

聖治馬咬毒入心馬齒覓湯食之瘥

世治虎咬用野生菜搗爛塞所傷孔中滿不必換自然新肉長出而愈曾有人被咬已死用此方治之

丹熊虎傷毒痛莫生鉄令有味以洗之虎傷人瘡取青布緊捲燒一頭內竹筒中射瘡口令烟薰入瘡口中佳

梅師方

世虎傷人瘡用薺子葉杆細塗之按本草薺子葉即借青薺能治虎火咬傷

丹熊傷人燒青布薰瘡中毒出仍煮葛根濃汁以洗之日十次并搗葛根爲散煮葛根汁方寸七日五服瘥

世鼠咬用貓兒毛燒灰傳之立愈

丹鼠咬用麝香傳包之經

世鼠咬傷用龜板或蟹甲燒爲灰末以香油調傳

犬咬

雜方

丹犬咬人尿傳之 犬咬人以頭垢傳傷處又用熱牛糞

塗於外

術犬傷人用杏仁量所傷大小嚼爛沃破處以帛繫定立

癒

治犬咬用杏仁去皮尖同馬齒根研細先以葱湯洗後
以此藥塗傷處効 治犬咬傷用草麻子五十粒去殼以
井水研成膏先以鹽水洗咬處次以此膏敷貼一方用虎
骨屑傳之 治犬咬人不要洗用紅炭火以物擊細待冷
取塗咬處即愈 治犬咬用黃荆葉搗碎瘡上即安 又
方灸生姜乘熱擦之尤妙

丹狗咬用紫蘇葉口嚼碎塗之 犬咬破傷風腫以人參
於桑柴火上燒成灰末傳之安

羅 雖花散治夏月犬傷及諸般損傷蛆虫極盛臭惡不可近者

蛇退皮一兩火燒存性 蟬殼半 青黛半

細辛二錢五分

右為細末每服三錢酒調下如六畜損傷成瘡用酒灌下如犬咬傷用酢子和喫蛆皆化為水蠅子不敢再落又以寒水石末乾摻上

癩犬咬

法要

羅 定風散治風犬咬先口噙漿水洗淨用綿拭乾貼藥更不再發大有神効

天南星生 防風各等分

右為細末乾上更不再發無膿効不可具述

回 治犬咬梔子皮燒灰石硫黃等分研細傅瘡梅師方

世治風狗咬用桃核殼半箇將野人乾糞填滿以榆皮蓋定暴於傷處又用艾於桃核上灸十四壯卽愈永不復發
或用野犬糞如前法灸之

世風狗咬卽用犬糞塗仍拔去頂上紅髮

世瘋狗咬方用斑貓七枚去頭足翅以糯米少許於新瓦上同炒以米黃香爲度去米不用以斑貓研碎好酒調下能飲人再進酒一盃傷在上食後服在下空腹服當日必有毒物從小便出如小狗狀如未下次日再進亦不下又進以毒物出爲度若進至七服雖不下毒亦不妨矣服藥後腹中必不安小便莖中刺痛者不必慮此毒受攻將下耳痛甚者以蕪青一匙煎甘草湯送下卽止如無蕪青青黛亦可疾愈後急以香白芷多雄黃少許爲末搗韭根自然汁湯酒調下去斑貓毒以水爭嗽口嚼生葱白罨傷處

留小竅于出毒氣不可用他草藥。忌犬猪羊及發風毒物。小兒量歲數加減。斑猫食癩狗肉致病者。治同。卽愈或過二三年再發。治如前。治癩狗所傷。用斑猫二十一箇去頭翅并足。用糯米一斗。先將七箇入米內微火炒。不令米赤。去此斑猫。別用七箇。再於前米內炒。令斑猫色變復去之。又別用七箇。如前法炒。以米出青烟爲度。去斑猫不用。以米研爲粉。用冷水入清油少許。空心調服。頃又再進一服。以小便利下惡物爲度。如不利再進一服。利後腹肚疼痛急。用冷水調青龍服之。以解其毒。否則有傷。或煎黃連水亦可。不宜便食熱物。或以益元散水調服尤妙。

風狗咬取小兒胎髮炒香。傳野菊花研細酒調服。盡醉止效。

治癩犬所傷。或經久復發。無藥可療者。用之極驗。

雄黃色極明者五錢

麝香分五

右研勻用酒調二錢服如不肯服者則搮其鼻而灌之服藥後必使得睡切勿驚起任其自醒候利下惡物再進前藥則見効矣

四 痴犬咬人搗地黃汁飲之并塗瘡口愈 又方煮地榆

汁飲之兼細末傳瘡上服方寸七日三忌酒若瘡瘰者搗

生韭汁飲一二升後同 風犬咬後毒發如狗叫聲於

化人壇拾頭頂骨燒末傳之 風狗咬毒發如狗叫者百

方不治以人骨燒末之水下方寸七雖煩亂者亦治

驢涎馬汗瘡

四 驢涎馬汗入瘡腫漸甚可急治之遲則毒深不治以生

烏頭末傳瘡口上良久黃水出立安

世 治驢涎馬汗入瘡用遠志去心爲末酒調塗 又方用

雜方

冬瓜青皮陰乾爲末貼瘡上 又方馬汗入肉毒氣引入
如紅線者急用烏梅肉嚼爛塗瘡上 一方用烏梅和核
爛研用好醋和成膏先將瘡口針破出盡紫紅血拭乾傳
上以帛縛定 王氏治鹽涎馬汗毒所傷白禁飛過黃丹
炒令紫色各等分相聚合以貼患處

鹽馬齒莧又主馬毒瘡以水煎令服一升一半塗瘡上
濕癬白禿以馬齒膏和灰塗効

附猪馬畜瘡

雜方

治猪畜瘡猪疥方

蛇床子

剪草

白禁

苦參

巴豆末

加羯羊糞桐油和傳之

馬馬老鼠瘡二方

其瘡未詳

黃芪半一兩

甘草七錢

黃芩酒炒半兩

黃連生用一兩

黃柏酒七錢

連翹七錢

蒼朮

當歸稍

升麻各一兩

麻黃根八錢

防風二錢

澤瀉七錢

羌活

藥木各三錢

右爲細末水二大碗煎至一碗冷灌之神効

馬老鼠出足陽明太陰經分野大渴小便多草墁

升麻二錢半

葛根一錢

連翹二錢

當歸身一錢

甘草炙一錢

蒼朮一錢半

黃柏二錢半

黃芩一錢

紅花少許

黃連五分

杏仁五個

黃芪二錢

生地一錢

琥珀三分

麻黃冬月加五分

猪苓

柴胡半一錢

白茯苓半一錢

澤瀉

右爲細末每服半兩水二碗煎至一碗冷灌之

醫學綱目卷之二十